

Suspendovanje telefonske linije za prijavu slucajeva dvostrukog zauzimanja stambenih jedinica

U saglasnosti i na osnovu konsultacija s ostalim medjunarodnim organizacijama, Ured Visokog predstavnika (Jug) zelio bi obavijestiti da ce od danas telefonska linija za prijavu slucajeva dvostrukog koristenja stambenih jedinica u Mostaru biti do daljnjeg suspendovana.

Razlozi suspenzije su sljedeci:

Do danas je primljeno preko 1300 poziva/prijava slucajeva navodnog dvostrukog koristenja. Od toga broja, do sada ih je istrazeno oko 300: 253 slucaja su potvrđena, a 40 ih je riješeno. Preko 1000 slucajeva jos uvijek treba ispitati. Broj riješenih slucajeva izuzetno je nizak, a napredak u rjesavanju ovih slucajeva i nadalje je razocaravajuće spor.

Takodje smo iznimno razocarani stavom nekih od Opcinskih stambenih ureda u Mostara prema ovoj telefonskoj liniji – djelatnici na funkcijama u organima vlasti cesto izbjegavaju svoje vlastite odgovornosti, a telefonsku su liniju koristili kako bi preusmjerili razne vrste zahtjeva ka medjunarodnoj zajednici. Kao rezultat toga, sistem primanja zahtjeva za rjesavanjem dvostrukog zauzeca blokiran je pozivima druge prirode.

Voljeli bismo prvo vidjeti razrjesenje do sada prijavljenih slucajeva prije nego sto se razmotri ponovno otvaranje linije. To ce zahtijevati znatno veci napor od strane Opcinskih stambenih ureda koji jos uvijek ne dobijaju odgovarajudju podrsku od svojih nacelnika opcina u pogledu sredstava i

osoblja za rad ili politicke podrške.

Sto se tice Komisije za ispitivanje slucajeva dvostrukog zauzimanja imovine, istraga do sada prijavljenih slucajeva nastavice se dosadasnjim tempom, sto je oko 15 slucajeva sedmicno – medjutim, mora se naglasiti da osim ove procedure, Opcinski stambeni odjeli svakako imaju obavezu obraditi i rijesiti SVE zahtjeve za povratom imovine u okviru pravnih rokova. Oni NE MORAJU cekati na Komisiju za ispitivanje slucajeva dvostrukog zauzimanja da istraze prijavljeni slucaj kako bi ga rijesili.

U medjuvremenu, ako zelite prijaviti slucaj dvostrukog zauzimanja imovine, trebali biste se obratiti nadleznom Opcinskom stambenom uredu. Nadalje, ako ste vec ranije prijavili svoj slucaj, ali biste zeljeli priloziti nove informacije, takodje biste se trebali obratiti nadleznom Opcinskom stambenom uredu.